



Broj: 11-16.6-1228-8/15
Datum: 04.05.2015. godine

Na temelju člana 64. stav (1) tačka b), člana 70. stava (1), (3) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku u skladu sa Zapisnikom o ocjeni konačnih ponuda broj: 11-16.6-1228-7/15 od 03.04.2015. godine, u postupku javne nabavke usluge: Održavanje poslovnog informativnog sistema, direktor Agencije za lijekove i medicinska sredstva Bosne i Hercegovine d o n o s i

ODLUKU o izboru najpovoljnijeg ponuđača

Član 1.

Prihvata se preporuka Komisije za javne nabavke u skladu sa Zapisnikom o ocjeni konačnih ponuda broj: 11-16.6-1228-7/15 od 03.04.2015. godine, te se ugovor za javnu nabavku usluge: Održavanje poslovnog informativnog sistema dodjeljuje ponuđaču Lanaco d.o.o., Ul. Knjaza Miloša br. 15, 78 000 Banja Luka, ID broj 4400853190007, za ponudenu cijenu od 79.800,00 KM bez PDV-a, odnosno 93.366,00 sa PDV-om, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču Lanaco d.o.o. Banja Luka po dostavljanju traženih dokaza u skladu sa tačkom 12. Tenderske dokumentacije, po proteku roka od 5 dana, računajući od dana od kada je jedini ponuđač obaviješten o izboru najpovoljnije ponude, a po pribavljanju mišljenja Pravobranilaštva BiH.

Član 3.

Za izvršenje ove odluke zadužuje se Sektor za finansijske poslove i Sektor za pravne i opšte poslove.

Član 4.

Ova odluka objavit će se na web-stranici www.almbih.gov.ba istovremeno s upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

Član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-1228-1/15 od 05.03.2015 godine. Javna nabavka je provedena pregovaračkim

postupkom bez objave obavještenja. Upućen je poziv dobavljaču "Lanaco" d.o.o. Banja Luka, kao jedinom ponuđaču koji može da ispunjava tražene uslove u skladu sa članom 21. tačka c) i članom 28. stav (1) Zakona o javnim nabavkama Bosne i Hercegovine te članom 34. Zakona o autorskim i srodnim pravima ("Službeni glasnik Bosne i Hercegovine", broj 63/10). Procijenjena vrijednost javne nabavke bez PDV-a je 84.000,00 KM (slovima: osamdesetčetiri hiljade KM).

Komisija za javnu nabavku imenovana je Odlukom broj: 11-16.6-1228-2/15 od 05.03.2015. godine.

Zapisnikom komisije broj 11-16.6-1228-4/15 od 23.03.2015.godine konstatovano je da je ponuđač kvalifikovan za pružanje tražene usluge u skladu sa zahtjevima Tenderske dokumentacije, te je isti pozvat da dostavi početnu ponudu i dođe na pregovore.

U toku pregovora, na osnovu dostavljene ponude, Komisija je sa ponuđačem uspostavila i razjasnila uslove ugovora, što je konstatovano u Zapisniku broj 11.16-1228-6/15 od 30.03.2015.godine kako slijedi: „Utvrđeno je da je početna ponuda dostavljena na vrijeme i uredno zapakovana, koričena, ovjerena i numerisana. Shodno na ispunjenost osnovnih kvalifikacionih uslova, pristupilo se pregovaranju.

Prvo pitanje je postavljeno da se otkupi izvorni kod od ponuđača „Lanaco“ d.o.o. Na to je ovlašteno lice odgovorilo da oni podržavaju tu aktivnost od strane Agencije, te da bi procijenjena cijena izvornog koda bila 700.000KM sa PDV-om. Što iznosi vrijednost od preko 7 godina trenutne, odnosno dosadašnje vrijednosti održavanja. Nakon toga je Komisija prešla na pregovore o pravnim i ekonomskim aspektima održavanja, smatrajući nerentabilnim otkup izvornog koda.

Pregovarano je o sljedećim pravnim aspektima ugovora u pogledu definisanja najmanjeg broja sati za dobro izvršenje ugovorene usluge. Prethodni ugovor o održavanje za 2014. godinu je imao minimum od 60 sati mjesečnog održavanja. S obzirom na povećanje obima posla, te kvalitetniju uslugu ugovorni organ, odnosno Agencija je odmah u tendersku dokumentaciju stavila 80 sati minimalnog mjesečnog održavanja. S obzirom na uvećanje obima posla ponuđač nije imao zamjerke.

Pregovarano je o ekonomskim aspektima ugovora s ciljem da se umani ukupna cijena data u inicijalnoj ponudi. Cijena u inicijalnoj ponudi koja je ponuđena je 98.280,00 KM sa PDV-om ili 84.000,00 KM bez PDV-a godišnje. Komisija je tražila smanjenje cijene bez obzira na povećanje broja sati.

Pregovaranju prisutan je ovlašteni predstavnik ponuđača Vojislav Opačić, koji je istakao spremnost da se ukupna ponuda sa PDV-om umani za 4.914,00 KM. Shodno navedenom konačna ponuda od ponuđača „Lanaco“ d.o.o. bi bila 79.800,00KM bez PDV-a, odnosno 93.366,00 KM sa PDV-om godišnje za po minimalno 80 sati mjesečnog održavanja.“

Komisija je, Zapisnikom broj 11.16-1228-7/15 od 03.04.2015.godine, konstatovala da je ponuđač Lanaco d.o.o. Banja Luka na vrijeme dostavio konačnu ponudu i u skladu sa postignutim dogovorima.

Komisija za javnu nabavku, 04.05.2015.godine, dostavila je Zapisnik o ocjeni konačnih ponuda broj: 11.16-1228-7/15 od 03.04.2015. godine, sa izvještajem o ocjeni ponude i preporukom o izboru najpovoljnijeg ponuđača, u postupku javne nabavke usluge: Održavanja poslovnog informacionog sistema (PIS).

Komisija za javnu nabavku je izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće: da je ukupan broj pristiglih ponuda 1 (jedan), da je blagovremeno zaprimljena jedna ponuda i da je ponuda ponuđača Lanaco d.o.o. Banja Luka prihvatljiva.

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Вељка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba

RANG-LISTA OCIJENJENIH PONUDA

Red. broj	Naziv ponuđača	bez PDV-a (KM)	Sa PDV-om (KM)	Broj bodova
Najpovoljniji uslovi		79.800,00	93.366,00	100,00
1	Lanaco d.o.o. Banja Luka	79.800,00	93.366,00	100,00

U postupku donošenja ove odluke, posebno su cijanjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu pristigle ponude, u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskom dokumentacijom.

Izabrani ponuđač Lanaco d.o.o. Banja Luka je izabran primjenom kriterija najniže cijene, koja je ponuđena u iznosu od 79.800,00 KM bez PDV-a, odnosno 93.366,00 KM sa PDV-om, mjesečno 6.650,00 KM bez PDV-a / 7.780,50 KM sa PDV-om.


Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za finansijske poslove,
4. Sektoru za pravne i opšte poslove
5. web-stranica
6. a/a.



DIREKTOR

Nataša Grubiša
Prim. mr ph. Nataša Grubiša, spec.

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Вељка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba